

L'ASTHRI CRIADDURI

Animi buràttighi di criadduri
 in giru
 a gammasini affrisciaddi.
 Occi ippantaddi d'ombri di néura
 caraddi da un asthru zeru,
 abbaiddani
 guasdhiani bè pasciddi
 d'incugni troppu abbondanti
 disthinaddi a cazziggà.
 Animi ancora famiddi di criadduri
 dizendi un rusariu longu:
 "Maradetti e maradetti
 e maradetti in eternu".
 E li so' mammi rimasthi sori
 lu pigliani a prighiera noba.
 Animi accansiddi di criadduri
 pusaddi in fira
 innantu a li banchini
 di posthi ischumminiggaddi
 abbaiddani facchini panzimanni
 siminendi lu mari
 di triggu troppu barattu.
 "Cresci,
 cresci triggu chi no z'hani daddu;
 cresci sippuru da mari
 e cuvaccari li ziddai luzenti
 cu un zeru senz'aria".
 E li so' babbi chi no hani cujpi
 li dizini chi no è frasthemma.
 Animi lizeri di criadduri,
 criadduri di zentu fabeddi
 ma di una sora fami.
 Azzani a li nui bianchi
 a frabbiggà
 balli pisanti di gràndina
 d'ischudì sobbra l'incugni grassi
 d'òmmini indifferenti.
 E lu Deu di li póbari in canna
 l'appogli asthri nui,
 e ancora asthri nui.

GLI ALTRI BAMBINI

Anime evanescenti di bambini / attorno / a magazzini sprangati. / Occhi attoniti di ombre di nebbia / calate da un altro cielo, / guardano / custodi satolli / di raccolti troppo abbondanti / destinati ad essere distrutti. / Anime ancora affamate di bambini / che recitano un lungo rosario / / "Maledetti e maledetti / e maledetti in eterno". / E le loro madri rimaste sole / l'assumono come nuova preghiera. / Anime bramosi di bambini / sedute in fila / sulle banchine / di porti scomunicati / guardano facchini obesi / che seminano il mare / di grano troppo a buon prezzo. / "Cresci, / cresci grano che non ci hanno dato; / cresci seppure dal mare / e ricoprigli le città lucenti / con un cielo senz'aria". / E i loro padri che non hanno colpe / dicono loro che non è bestemmia. / Anime leggere di bambini, / bambini di cento lingue / ma di una sola fame. / Salgono alle nubi bianche / a fabbricare / pesanti proiettili di grandine / da scaraventare sui grassi raccolti / di uomini indifferenti. / E il Dio dei miserabili / porge loro altre nubi, / e ancora altre nubi.